



UPA 2026/149

21/5-2026

Bo Martinsen

Meeqqap napparsimanerani ullormi siullermi sulinngiffeqarsinnaatitaanerup annertusineqarnissaanut periarfissat kiisalu angajoqqaat qitornami napparsimasup angerlarsimaqatiginissaanut pitsaanerusunik periarfissiisumik ataqatigiinnerusumik aaqqiisummik pilersinissaannik, Naalakkersuisut peqquneqarnissaannik Inatsisartut aalajangiiffigisassaattut siunnersuut. Suliffeqarnermi illuatungerisat oqaloqatiginerisigut nassuiaat suliarineqassaaq, ilutigisaanillu najoqqutassani assigiinngitsuni aningaasatigut, allaffissornikkullu kingunisai ersarissarneqassallutik.

(Inatsisartunut ilaasortaq Pipaluk Olsen, Demokraatit)

(Siullermeerineq)

Demokraatit Inatsisartunut ilaasortaatitaata Pipaluk Olsenip siunnersuummik isumassuisumik uannga siunnersuuteqarneranut qujanaq.

Meeqqap ulloq siulleg napparsimaneranut, angajoqqaallu qitornartik napparsimasoq angerlarsimaffiminni paarisinnaanerussammatigit ataqatigiinnerusumik aaqqiisuteqarnissamut siunnersuut tunngassuteqarpoq. Kisianni siullertut meeqqanut tunngassuteqarpoq. Meeqqap angajoqqaaminik pisariaqartitsinerpaaffiani toqqissisimanermut, qanilaarnermut, eqqissisimanissarlu pineqarput.

Demokraatinit isumaqarpugut, meeqqat isumassorneqassasut. Meeraq napparsimasoq siusippallaamik meeqquerivimmukaaneqarnissaminik imaluunniit atuartortinneqarnissaminik psiariaqartitsinngilaq. Meeraq eqqissisimaarnissaminik, inersimasumillu isumassuisinnaasumik pisariaqartitsivoq. Ajornakusoortumik inissisimaneq angajoqqaarpasuit ilisimavaat. Meeraq kissarneqartillugu, quersortillugu imaluunniit erseqqissumik peqqiillortillugu sulisariaqartilluni angajoqqaat meeqqami, suliffimminillu oqimaaqatigiissitsiniartariaqartarnerat. Angajoqqaarpasuit meerartik napparsimasoq isumagerusullugulu suliffitsik paarerusuttarpaat. Pissutsilli piviusut tassannga periarfissaqartitsinngillat.

Tamanna pillugu massakut sinaakkutaasut ullutsinnut naleqqunnersut misissugassaqqippoq. Meeqqap ulloq siulleg napparsimamera pingaarutilimmik ikiuutaasinnaavoq. Kisianni imaanngilaq ulloq ataasiinnaq napparsimasoqartartoq. Sinaakkutit killeqarpallaarpata, meeqqat peqqissinatilluunniit meeqquerivimmukanngikkunik atuariartorsinnaapput. Tamanna meeqqamut peqqinnanngilaq. Meeraqataanut, sulisunullu aamma peqqinnanngilaq.

Meeqqat napparsimallutik meeqquerivimmukaraangata, atuariartoraangatalu nappaatip tuniluuteratarsinnaanera annertusisarpoq. Amerlanerit napparsimalersinnaapput, meeqquerivimmiinngitsut/sulinngitsut amerlisinnaapput, taavalu angajoqqaat, meeqqueriviit, atuarfiillu aatsaat iluamik ilungersunartumik inississinnaasarlutik. Tamanna pillugu siunnersuut manna

UPA 2026/149

J.nr 00.00.00/26FM-LABU-00149

Qupp. 1



pinaveersaartitsinissamik aamma siunnersuutaavoq. Meeqqap pisariaqartitaanut tunngavoq, aammali ulluinnaq tamanut ajunnginnerusoq pineqarluni.

Iluamik ilisimasaqarani najoqqutassamik naammasseriikkamik suliffeqarfinnut atugassaqartitsissalluni Demokraatit kissaatiginngilaat. Tamannarpiaq patsisaalluni siunnersuut isumatusaarneruvoq. Malittarisassat sulisaatsimi qanoq innersut, ilaqtariit aamma suliffeqarfiit sunik unammillernartitaqarnersut, aaqqiissutillu assigiinngitsut sunik kinguneqassanersut pillugit takutisisinnaasumik nassuiaasiortoqarnissaa noqqaassutigineqarpoq.

Suliffeqarfiit suleqatigisat akuutinneqarnissaat pingaaruteqarpoq. Sulisunik, sulisitsisunillu equivoq. Tamanna pillugu illuatungeriit oqaloqatiginerisigut, ataqqinerisigullu aaqqiissutissat nassaarineqassapput. Aaqqiissummik inuppalaartumik, kisianni aamma pivusorsiortumik nassaassaagut. Ilaqtariittut inuuneq, suliffeqarnerlu ataqatigiillu arnerunissaat Demokraatinut aalajangiisuuvoq. Angajoqqaat qitornartik napparsimatillugu pisariaqanngitsumik ilungersortinneqassanngillat. Ilutigisaanik aningaasaqarnikkut, allaffissornikkullu kingunissaannut akisussaaffimmik aamma tigusissaagut. Aaqqiissut pitsaasoq ersarissaaq, naapertuillu assaaq, aqunneqarsinnaassallunilu.

Kisianni akisussaassuseqarneq unittoornermut utoqqatsissutigineqassanngilaq. Ilaqtariit misigisimagunik malittarisassat ulluinnarnut naleqqutinngitsut, taava uagut politikerisut ersarinnerusumik misissussallugit pisussaaffigaarput. Siunnersut manna meeqqat pisariaqartitaannik, ilaqtariillu pivusumik atugaannik pimoorussilluni akisussaassusilimmik siullertut alloriarneruvoq.

Meeqqat isumassorneqarnissaminnik pisariaqartitamisut inuiaqatigiinni isumassorneqassasut Demokraatini kissaatigaarput. Angajoqqaat pisariaqartinneqartillutik isumassuisut, suliffeqarfiillu sinaakkutaat ilaqtariit, suliffeqarfillu ataqqillugit ineriartortinneqarlutik.

Taamatut oqaaseqarlunga Demokraatit siunnersuut tapersorsorpaat, innersuussutigalugulu Ilaqtariinnermut Peqqissutsimullu Ataatsimiititaliami nangillugu oqaluuserineqassasoq0.